

ներ կային իր ճանապարհի վրայ: Նրա առաջին քայլը անյաջողութեան է հանդիպում. նա չի կարողանում շարունակել իր ճանապարհը:

Այս երեւոյթը շատ տարբեր ձեւերով է պատճառարանուած Եղեանի հրատարակած փաստաթղթերի մէջ: Թիւ 5 փաստաթուղթն ասում է. «Ծերունի կաթողիկոսը մեռաւ (1680) եւ պատգամաւորութիւնը ստիպուած եղաւ վերադառնալ Հայաստան, բացի Իսրայէլ Օրիից, որը մասնաւոր ձեւով Եւրոպա անցաւ»: Թիւ 2-ը պատճառը համարում է «անհաւատներին». «Անհաւատները արգիլեցին պատգամաւորութեանը գնալ աւելի առաջ — ասում է նա — որի հետեւանքով մեռաւ կաթողիկոսը՝ ընկճւած վշտից ու տառապանքից, որ չի կարողանում իրագործել իր սրտում ունեցած ծրագիրները»:

Ըստ Թիւ 6-ի (նաեւ Թիւ 8-ի) այդ ժամանակներում պատերազմ կար վրացիների եւ պարսիկների մէջ, Հայաստանը լցնւած էր պարսիկ զորքերով եւ այդ պայմաններում կաթողիկոսի ներկայութիւնը երկրում երեւի անհրաժեշտ լինելով կամ մի այլ պատճառով, սուրհանդակ են ուղարկում Պոլիս եւ պատգամաւորութիւնը յետ կանչում. «Քի դալ ըուպիլ) զորքն ի յերկիր մեր, սկսաւ պատերազմիլ հետ կուռճուն. տեսաք որ այլ մեր խորհուրդն չի կատարիր շուտով, սաի2) ուղարկեցաք որ դարձան յետ եւ խափանեցաւ խորհուրդ մեր» — գրում են Ղարաբաղի մելիքները Պետրոս Մեծին:

Թերեւս աւելի ճիշդ է այն, որ այդ ժամանակներում տաճիկները պատերազմ ունենալով Վենետիկի հետ, ճանապարհը դէպի Եւրոպա կարող էր փակ լինել: Անշուշտ այդ է ակնարկում Իսրայէլ Օրին իր ցուցմունքների մէջ, երբ ասում է. «Տեսնելով, որ պատերազմի ժամանակ լինելով, առաջ անցնելը դժուար է, վերադարձան իրենց երկիրը» (Փաստ., Թիւ 44):

Յամենայն դէպս փաստն այն է, որ պատ-

գամաւորութիւնը հայ ժողովրդի ազատութեան համար, յանձն է առնում մի պատասխանատու առաքելութիւն, գնում է մինչեւ Պոլիս, սակայն իրենից անկախ պատճառներով, իր նպատակին չի հասնում:

Պոլսում մեռնում է ծերունի կաթողիկոսը, վշտից ու տանջանքներից ընճուած: Նա իր զառամեալ հասակով եւ քայքայուած առողջութեամբ, իր ուսերի վրայ վերցրել էր մի ծանր բեռ, մի դժուարին առաքելութիւն — յանուն իր հօտի փրկութեան:

Եւ նրա փխրուն մարմինը չզիմացաւ այդ ծանրութեանը ու խորտակուեց:

Բայց նա մեռաւ իր պարտականութեան ճանապարհին, այդպիսով հանդիսանալով Հայկական Դատի եւ Հայաստանի անկախութեան դադարի առաջին քաղաքական-գործիչ նահատակը:

Բարեբախտաբար, նրանից յետոյ էլ հայերը չյուսահատուեցին: Նրանից յետոյ էլ Հայաստանի անկախութեան դադարը մնաց հայ ժողովրդի ղեկավար տարբերի նուիրական նպատակը: Պատճառը. որովհետեւ Հայաստանի քաղաքական զրութիւնը շարունակում էր մնալ նոյնը — օտարի հպատակ — իսկ դրանից դուրս գալու միակ ճանապարհը անկախութիւնն է, քաղաքական ազատութիւնը:

Եւ ահա մենք տեսնում ենք, որ Ջուղայեցու յաջորդ Եղիազար կաթողիկոսի օրով, նորից հայ իշխանները հաւաքում են ժողովի էջմիածնում եւ նորից որոշում են՝ կաթողիկոսին ուղարկել դէպի Եւրոպա — օգնութիւն հայցելու: Կաթողիկոսը ճանապարհւում է, հասնում է մինչեւ Կարին, բայց «անհաւատների պատճառով» աւելի առաջ գնալ չկարողանալով, ձեռնունայն դառնում է էջմիածին:

Ինչպէս տեսնում էք, Հայաստանի անկախութեան պահանջը դարձել էր մի այնպիսի անհրաժեշտութիւն, որ այլեւս մեռնելու չէր: Ջուղայեցուց յետոյ շատերն աշխատեցին այդ ուղղութեամբ — երախտաւոր գործիչների ու նահատակների մի ամբողջ շարան. եւ թէպէտ նրանց ճիգերը հետապնդուող արդիւնքը չտոււին, բայց եւ այնպէս Հայաստանի անկախութեան դադարը նորից չմեռաւ:

Այսօր էլ Հայաստանը ստրուկ է, բաժան-բաժան եղած օտարների մէջ, արիւնտուած,

1) Ըուպիլ — պարսից. մելիքների եւ միւս բոլոր հայերէն գրութիւնների մէջ պարսիկ, պարսից եւն. բառերի տեղ այդ ծածկագիրն է գործ ածուած:

2) Սաի — սուրհանդակ: